

**UMNYANGO WEFUNDO WEGAUTENG**

**UKUHLOLWA KWEBANGA LETJHUMI NAMBILI**

**ISINDEBELE ILIMI LOKUBELETHWA  
IZINGA ELIPHAKATHI  
(Iphepha Lesibili)**

**ISIKHATHI: 2 ama-iri**

**IMITLOMELO: 75**

---

---

**TJHEJA**

- Leliphepha lineengaba ezintathu: Isigaba A, B no-C.
  - Esigabeni A: Khetha imibuzo emibili.
  - Esigabeni B: Khetha umbuzo munye.
  - Esigabeni C: Khetha umbuzo munye.
  - Ufanele uphendule imibuzo EMINE seyyoke.
  - Khetha imibuzo oyiphendulako ngendlela oyeleliswa ngayo ngaphasi kwesinye nesinye isigaba begodu utlole ngesandla esihle esifundekako.
- 
-

ISIGABA A

Phendula imibuzo emibili kwaphela kilesisigaba.

UMBUZO 1

*Itsengo 5* – M.S. Ntuli

Khetha umbuzo 1.1 namkha 1.2 namkha 1.3 namkha 1.4.

1.1 Funda ikondlo elandelako bese uphendula imibuzo engenzasi:

**NITHI NGIBO LABA NA?**

Nithi ngibo laba na?  
Laba abangahloniphi iingazi?  
Laba abatjhisela abanye,  
Laba ababina ikesi yesitjhaba,  
Laba abaziinini zeendakamizwa,  
Laba abakha ngeqephe,  
Laba abathatha ngezvani,  
Laba ababhudungela ikunzi.

Nithi ngibo laba na?  
Abarholi bakusasa,  
Abazosirhola ngendlela yeqiniso.  
Abazosirholela ekukhanyeni.  
Awa, angazi  
Sizayisenga ingazala.

M.S. Mahlangu

- 1.1.1 Mhlobo bani wekondlo lo? Kubayini utjho njalo? (2)
- 1.1.2 Kukwenzani ukuthatha ngezvani? (1)
- 1.1.3 Ngewakho umbono, bobani laba ekuthiwa kibo “**nithi ngibo laba na?**” (1)
- 1.1.4 Tlola igama elimqondofana naleli elithi **abaziinini**. (1)
- 1.1.5 Hlathulula bona kukwenzani **ukukha ngeqephe?** (1)
- 1.1.6 Tlola umuda munye onefana-kamisa. (1)
- 1.1.7 Tlola igama eliphikisa leli elithi “**bakusasa**”. (1)
- 1.1.8 Tlola irhobelo elikhona ekondlweni le, endimeni 1, utjho nokobana mhlobo wuphi? (2)
- 1.1.9 Hlathulula uveze umoya wekondlo le. (2½)  
[12½]

Phendla

**NAMKHA**

1.2 Funda ikondlo elandelako bese uphendula imibuzo engenzasi.

**IPI YERHOLWENI**

Phasi enzasi erholweni,  
KwaMahlungulu kwasala abantu-  
Kwaduma izulu kwamekeza umbani,  
Kwatjha isikhuni kwasala umlotha.

Kwahlwa emini iNdebele liqalene noMsuthu,  
Lafika iBhunu lasiza uMsuthu.  
Umbango lo ngewani?  
Nango uMampuru ngemathunjini,  
Wathuthumba umdzobho yaba yincani indawo

Yabambana kwathula ummoya,  
Yabambana kwaphapha ibhetjha eNdebeleni,  
Yabambana kwaphapha umdzobho eMsuthwini,  
Yabambana kwarathuka ibhruhu nerhembe eBhunwini.

Kwaba nzima ephasini lekhethu,  
Kwalila ikule, kwalila isibhuku nomkhonto.  
Abantu barhayileka inga ziimpukani zingananto,  
Yafulathela yaMabhunu nabeSuthu.

UMabhoko akathomi umuntu,  
Nango uMaqobolwana aqwilisa isitjhaba sesiyamile,  
Bayenza indaba uburotho nejemu.  
Wokhi! Amanaba asesenamanda  
Umtlhago ubhode amanzinzo,  
Amanaka namaphotho kukudla ngenca yephango.

Iinhlokwana nanziya laphaya,  
Iindumbu ziintutwana nobujadajada.  
Kulele uMsuthu, iBhunu neNdebele.  
Sesidlule isiwuruwuru kwalila iintseritseri,  
Izandla neenyawo zakaNdebele zadliwa ziinsimbi,  
Iintjhaba zagida ngethambo lakhe,  
Nango sele asisembamgodi,  
Namhlanje sidindi sinzinzile.

D.M. Jiyane

- 1.2.1 Mhlobobani wekondlo ongehla lo. (2)
- 1.2.2 Tsenga ikondlo uveze umoya wekondlo. (2½)
- 1.2.3 Tlola irhobela elitholakala endimeni yesi-3 utjho nokobana limhlobo bani? (4)
- 1.2.4 Tlola ivumelwano etholakala kilekondlo utjho nokobana mhlobo bani / ngenjani? (2)

1.2.5 Veza okutjhiwo yikondlo ngemida emibili.

(2)  
[12½]

### NAMKHA

1.3 Funda ikondlo engenzansi bese uphendula imibuzo elandelako:

#### MMA AFRIKA

Ngesaba umoya weTlhagwini, mma Afrika.  
Wangena kuwe kwathula ummoya ,  
Sangena isiwuruwuru kwakhethululeka,  
Sakusahlela, sakuhlutha koke.  
Wasala ubulanzi, wawa isikulukutani ukhenile,  
Wabetjhwa wawa isikulukutani.  
Wasala udududu ngombana ulilahle.

Nanzi iimbayana zamakoro ngamakoro,  
Naso isililo sirhahlawulwa,  
Umkhosi lo ngewani?  
Abentwana bayalila bathoga umduduzi.  
Abentwana bamagenge ngebanga lesivunguvungwani  
Rhuwelelani ntandani ze – Afrika,  
Nithi: ukuthoga sakho kubhica ngamanzi.

Mma ngiyaphaphatha ngiyabawa,  
Ngibawela abentwana bakho ukuthula.  
Okungapheli kuyahlola,  
Nakuziingazi ziphalakile kwanele.  
Nakuziinketani zisikinate sezwa,  
Kunjenje ngebanga lomoya,  
Bewungekhe wasibhacisela imizimba nemiphefumulo?

Kosi silondlozele i-Afrika,  
Usifundise ukuba munye,  
Sihlangane sibe yinyandanye,  
Sitshophe sibe yikatha,  
Nasithoma nganeno kuzokuba lula ngaphetjheya  
Sizabe siyilwile, simunye nasifika ekhaya.

D.M. Jiyane

1.3.1 Yini eyesatjwako ekukhulunywa ngayo lapha? (1)

1.3.2 Ngiziphi izinto ezimbili ezenzeka ebantwaneni kilekondlo? (2)

1.3.3 Hlathulula ikulumo engenzasi:

(a) Ukuthoga sakho kubhica ngamanzi. (1)

(b) Okungapheli kuyahlola. (1)

(c) Wasala ubulanzi. (1)

1.3.4 Tlola elinye igama elitjho okufana naleli “**Sakuhlutha**” (1)

1.3.5 Hlathulula okutjiwo yikondlo. (3½)

1.3.6 Kukwenzani ukuphaphatha. (2)  
[12½]

### NAMKHA

1.4 Funda ikondlo engenzasi bese uphendula imibuzo elandelako.

#### IQINISO ALIKHO

Ngubani oneqiniso na?  
Min' angazi, ngambal' angazi.  
Alikho ilitje engilitjiye ngingakaligubululi,  
Alikho ikhasi engilitjiye ngingakaliphayi,  
Akukho lapho ngitjiye ngingakarhubharhubhi,  
Abosolwazi akekho engikambuzi  
Kodwana ob iqiniso,  
Iqiniso alkho.

Boke bazitshweryile,  
Boke bazame ukungihlathululela,  
Kodwana zange nganeliseke  
Ngombana ngibonile,  
Boke bayazirhubharhubhela,  
Ngombana ngibonile  
Boke bazamela iinkoro zemakhabo.  
Yeke-ke ngibonile  
Iqiniso alkho,  
Ngambala lona alikho.

Iye, ngiyathanda  
Ngibe lilungu lakwaMahlangu,  
Iye, ngiyathanda  
Ngibe lilungu lomndeni welifa elingakajayeleki,  
Ilifa ongeze walfunyana  
Ngaphandle kokuba lilungu lakwaMahlangu,  
Kodwana ngiyazaza ngiyesaba  
Ngombana alikho iqiniso  
Abakwenzako akufani.

Uyise munye,  
Bathi nomthetho munye,  
Kodwana abezwani  
Bakhulumana kumbi.  
Mndeni munye,  
Kodwana ivurulo labo alifani,  
Isotja ayifani,  
Neenanazelo azifani:  
Abanye bazibiza ngoMgwezani,  
Abakwenzako akufani,  
Abanye bazibiza ngoSirudla  
Abanye bazibiza ngoKawule  
Ngambala lona alikho.  
Iqiniso alkho.

M.S. Mahlangu

- 1.4.1 Tsenga ikondlo engehla ngaphasi kwesakhiwo sangaphandle ukhuphe lokhu:
- (i) Iindima nemida (3)
- (ii) Ukurhobelathoma endimeni 1. (2)
- 1.4.2 Sengathi imbongi iyalila ekondlweni. Ingabe imbongi ilila ngani. Veza ngemitjho emibili bewusekele unqophise ekondlweni. (3)
- 1.4.3 Kubayini imbongi ithi umndeni wakwaMahlangu unelifa elingakajayeleki? (2)
- 1.4.4 Tlola elinye igama elitjho **ukuzaza**. (½)
- 1.4.5 Veza umoya wekondlo ngemitjho emibili. (2)
- [12½]**

**IMITLOMELO YESIGABA A: [25]**

### ISIGABA B

Phendula umbuzo munye kilesisigaba. Nawukhethe umbuzo omude kilesisigaba, kusigaba C khetha omfitjhani.

### UMBULO 2

***Kanti Ngewakabani? N.E. Skosana***

**Khetha umbuzo 2.1 namkha 2.2.**

2.1 Funda isigatjanesi bese uphendula imibuzo elandelako:

Msweswe	: Uyabona-ke ngoba indoda leya ithi ngimi engibulele isokana lakwaMgidi, uNcema kuzokuba mkami-ke.
Ruli	: Njani kwanje? Angithi nakufe isokana lakwaMgidi imbangi yalo sele izamthatha izigedlile uNcema ngombana ingasabangiswa mumuntu?
Msweswe	: Kanti-ke ibethe phasi kwathunya ithuli. Njengombana isokanela lingakamtholi uNcema, noMkhethwa naye angeze amthola. Ngithi ngiyamthatha kazi uNcema ngombana isokana lakhe life ngesandla sami.
Ruli	: Agu Msweswe, ufuna ukuthoma enye-ke kwanje.
Msweswe	: Awa, angiyithomi, ngifuna ukuyilamula.
Ruli	: Alo uNcema yena sele umtjelile?
Msweswe	: Ngimtjela nangimtjelani? UMkhethwa khewamtjela bona ufuna ukumthatha?
Ruli	: Enjekhona umntazanabantu lo utlhoge iingazi njengomqasa.
Msweswe	: Ngani kwanje? Angithi omunye nomunye ufuna ukumthatha?
Ruli	: Iye, omunye nomunye ufuna ukumthatha angakamkhulumisi nokumkhulumisa.
Msweswe	: Awa, nokho isokana lakwaMgidi lona besele bezwana.
Ruli	: Alo bekosini bazokulisa nawuthatha umalukazanabo seabamkhuphele nobukhazi? Kazi ikosi incamile. Uthi uyayibona nje?

- |     |        |  |             |
|-----|--------|--|-------------|
| 2.1 | 2.1.1  | Ngubani isokana lakwaMgidi elifileko? Libulawelwe ini?                                     | (2)         |
|     | 2.1.2  | Yini ubukhazi?   | (1)         |
|     | 2.1.3  | Bobani ababanga uNcema kilomdlalo. Tlola amabizwabo.                                       | (2)         |
|     | 2.1.4  | Kungebanga lani uMkhethwa afunelwa umkhamanzi yena ahlezi? Sekela ngomutjho.               | (2)         |
|     | 2.1.5  | Dzubbhula isifenqo esitholakala esiqetjhaneni esingehla.                                   | (1)         |
|     | 2.1.6  | Nikela elinye igama elitjho okufanako naleli elithi “ <b>umalukazanabo</b> ”               | (1)         |
|     | 2.1.7  | Ngubani umlingisi oyikutani kilomdlalo?  | (1)         |
|     | 2.1.8  | Tlola bona umraro wasukaphi kilomdlalo?  | (2)         |
|     | 2.1.9  | UNcema wazifihla nakufika bakwaMabhena. Wazifihlelani?                                     | (1)         |
|     | 2.1.10 | UNcema noDhlamaga khabe bawathembise ngani amasokanabo?                                    | (1)         |
|     | 2.1.11 | Vane anjani umuntu nakuthiwa “ <b>utlhoge iingazi</b> ”                                    | (1)         |
|     | 2.1.12 | Tlola uveze bonyana uMadzela uvezwe njengomlingisi onjani. Veza amaphuzu amane asekelweko. | (8)         |
|     | 2.1.13 | Ngisiphi isifundo esitholakala emdlalweni lo.  | (2)         |
|     |        |  | <b>[25]</b> |

### NAMKHA

- |     |       |   |      |
|-----|-------|---|------|
| 2.2 | 2.2.1 | Akhe utlole ngesizinda somdlalo othi “ <b>Kanti Ngewakabani</b> ”? Qalisa ipendulwakho <u>esikhathini nendawo</u> . limpendulo uzisekele ngokomdlalo.   | (15) |
|     | 2.2.2 | Umdlalo othi “ <b>Kanti Ngewakabani</b> ”, unzinze emasikweni nemikhubeni. Coca uveze bona amasiko asize njani ekwenzeni umdlalo bona uragele phambili. | (10) |

**IMITLOMELO YESIGABA B: [25]**

ISIGABA C  
INOVELA

Phendula umbuzo munye kilesisigaba. Nawukhethe umbuzo omude kusigaba B, ukatelelekile bona ukhethe omfitjhani kilesi. Nawukhethe omfitjhani kusigaba B, ukatelelekile bona ukhethe omude kilesi.

**UMBUZO 3**

**Amabatha : B.D. Masango**

**Khetha umbuzo 3.1 namkha 3.2.**

3.1 Funda isiqetjhanesi bese uphendula imibuzo elandelako:

Uyise alise ukutjhuka isikhumba aqale uBathabile. Kubonakale sele kudengezela umlomo kuyise, bese uthi. "Angazi bonyana ngingakhuluma ngithini. Heyi Bathabile, ungangirari mina uyangizwa? Ngifuna ungitjele into yinye ukuthi uyabafuna namkha awubafuni kwaphela nje. Angifuni umuntu adlale ngami angenze isidlhadlha sakhe".

Unina uthulile uragela phambili nokweluka umsemakhe. Uyambona nje bonyana lokho akakubawi uyakwazi. Ubamba intambo ayeqise abuye abambe enye ayeqise. Athi lapho athulisa khona aqale uBathabile angatjho litho.

- 3.1.1 Ngonjani umntazana onamehlo amanengi? Qalisa enoveleni. (1)
- 3.1.2 Bebazokwenzani abantwaba koBathabile? (1)
- 3.1.3 Bobani laba okufanele uBathabile atjho bona uyabafuna namkha akabafuni? (2)
- 3.1.4 UMjarimani bekamlonga athini uBathabile nakacoca naye? (1)
- 3.1.5 Tlola iinhlathululo ezimbili zegama elithi "**amabatha**" (2)
- 3.1.6 Ngiziphi iinzathu ezimbili ezatjhiwo nguBathabile kuyise, ezenza bona angaphumi etlheni bona uyabafuna namkha akabafuni abantwaba? (2)
- 3.1.7 Bekuhlathululani ukudengezela komlomo kwakaSindana? (1)
- 3.1.8 Yini okubili okungasitjengisa bona uBathabile bekangaphila elokitjhini. (2)
- 3.1.9 Tlola umlayezo umtloli awethulele abafundi. Sekela unqophise enoveleni yoke. (3)
- 3.1.10 UBathabile uthandana namasokana amangaki, ngaphandle kwaleli elizokuveza indaba. Tlola amabizo wamasokana lawo. (4)



<b>ISINDEBELE ILIMI LOKUBELETHWA IZINGA ELIPHAKATHI (Iphepha Lesibili)</b>	<b>107-2/2 Z</b>	<b>10</b>
--	------------------	-----------

- 3.1.11 Ingabe isihloko senovela le siyayifanela? Vuma / Phika bese uyasekela unqophise enoveleni yokana. (4)
- 3.1.12 Tlola isifundo esatholwa yikutani yomdlalo lo, ngomutjho owodwa. (2)
- [25]**

**NAMKHA**

- 3.2 3.2.1 Veza bona abalingisi abalandelako bavezwe njani? Sekela unqophise enoveleni:
- (a) UBathabile. (7)
- (b) UMjarimani. (7)
- (c) UMphikwa. (7)
- 3.2.2 Ingabe isiphetho senoveli le siyamukeleka na? Vuma nanyana uphike bese uyasekela. (4)

**IMITLOMELO YESIGABA C: [25]**

**INANI LILOKE: 75**